

# Лүмлө да пагалыме

**И.Ф. Соколовлан - 95 ий** И.Ф. Соколов



Тиде фотосүрөтүсө еным те, самырык-влак, огыда пале. Тудо ожнысо туныктышо-шамычлан поснак шергакан да палыме. Тений 2 сентябрьыште Иван Фёдорович Соколов 95 ийым темыш. Тудын йоча годсо илышыже куштылго лийын огыл. Ачажым ссылкыш кучен нангаенйт, аваже куд икшыве дене кодын. Пörтышт лийын огыл, нуно пошкудо-влак дене илен коштыныт. 11 ияш Иван ик кенгежым күтүчылан коштын.

**Саламлена!**

Шернур педтехникумым тунем лекмеке,

лаште туныктышылан ыштен, но тынысле илышым сар күрлын. Марий салтак ныл ий түрлө фронтышто тушман-влак дене кучедалын. 1946 ийыште он тич орденан да медалян гвардий капитан ялышкыже пörтылын. Александр Невский орденым тудо кызытат чот акла.

У Торъял районсо кок школышто тыршымыж годым Озангысе пединститутын географий факультетшым заочно йошкар диплом дене пытарен.

Тале туныктышым 1956 ийыште МАССР просвещения министрн алмаштышыжлан шогалтенйт. Тудын вуйлатыме комиссий школлаште туныктымо пашам терген.

И.Ф.Соколов - Марий АССР да РСФСР школын заслуженный учительже, тудым «Знак Почёта» орден дене наградитленйт. **Г.И.ЛАВРЕНТЬЕВ, профессор.**

## Лотерей дене модына!



Пагалыме

лудшына-влак! Лотерей модынам вученат ноышда дыр? Теве журналистнам, Людмила Николаевна Григорьевам, юзо ўдырыш савырен, Звенигово районсо Чакмарий школыш колтышна. Тудо ўдыр-рвезе-влак дене пырля пöлекым модын налше-влакын лүмыштым рашемден. Кöлан мо логалын? Тидым юзо ўдырна 12 сентябрьыште лекше газетшытына палдараш тўналеш. Вес номерыште вашлиймеш!

Пакчаштына түрлө-түрлө пеледыш пеледалтын. Мый эн чот гладиолусым йöратем. Тений нуно мый дечемат күкшö кушкын шогалыныт. Гладиолус-шамыч пеш мотор улыт. Иктыже, ошыжо, чот сылнын пеледалтын. Воктенак - йошкарге, шемалге-канде, кына да шемалге-йошкарге. Нуным икымше сентябрьыште аршашыш поген, туныктышемлан пöлекленам.

**Юлия АНИСИМОВА.**

Морко, Коркатово.



## Сылне пеледыш

## Усталык!

Икымше урокна «Мый талантан улам» теме дене эртыш. Ме туныктышо да ача-ава-влак дене пырля талант шомакын мом ончыктымжым рашемдышна. Икмыняр ўдыр-рвезе шке талантше дене палдарыш. Урокыш поэтессе Зинаида Ермакова толын. Тудо талантым кузе шуараш күлмö нерген ойлен, ятыр почеламутшым лудын.

М.Шкетан лүмеш драме театрын артистше-влак денат талант нерген ятыр мутланышна. Поэтессе В.Изилянован почеламутшо-влак негызеш шындыме моноспектакльым артистке Марина Почтенева устан модо.

**Олеся ВАСЕЕВА.**  
Шернур, Марисола.